

## **North Sotho - Fodiša Mangwalo - Healing Scriptures**

**Eksodo 15:26 a re: Ge o theetša ruri se Morena Modimo wa gago a se boleago, ge o dira tše yena a bonago di lokile, ge o kwešiša melao ya gagwe mme o hlokomela ditaelo tše gagwe ka moka, gona nka se ke ka go tlišetša le bjo botee bja malwetši ale ke a tlišeditšego Baegipita; ka gobane ke nna Morena Moreku wa gago.**

**Doiteronomio 7:15 Morena o tlo go efela malwetši ohle; gomme dinkhu, tšela ka moka tše šoro tše Egipita tše o di tsebago, a ka se ke a di tliša go wena; o tlo di iša go manaba a gago.**

**Dipsaleme 107:20 A roma lentšu la gagwe a ba rekola, a ba gomiša mabitleng,**

**Dipsaleme 146:8 Morena o budola mahlo a difofu; Morena o tsoša ba bokaletšego, Morena moratabaloki.**

**Jesaya 35:5 Ke mo go tlogo budullwa mahlo a difofu, gwa thibollwa tsebe tše difoa.**

**Jesaya 53:5 Anthe o hlabilwe ka baka la dikarogo tše rena; o tlpirigantšwe ka baka la makgopo a rena. Kotlo e wetše yena godimo, gore re bone khutšo; ra tlelwa ke go fola ka dintho tše gagwe.**

**Jesaya 58:8 Ke mo seedi sa gago se tlogo hlabo bjalo ka mahuba, ke mo o tlogo fola ka pela, o etilwe pele ke toko ya gago, o šetšwe nthago ke letago la Morena.**

**Jeremia 30:17 Ke tlogo alafa ka go tlemelela, ka fodiša ntho tše gago; o realo Morena, gobane ba re o molelekwa, ba re Tsione ke mogerulwa.**

**Jeremia 33:6 Ke nna e! Ke tlo tlemelela ka alafa ka fodiša, ka ba utollela humo la molao le therešo.**

**Maleaki 4:2 Ge e le lena ba le boifago ina la ka, le tlo hlabelwa ke tšatši la toko, la phodišo diphegong tše lona, la tlo tšwa le kgarama wa mamane a nonnego.**

**Mateo 4:23,24 Bjale Jesu a sepela le naga ya Galilea ka moka, a fela a ruta diphuthegong tše bona, a tsebatša Ebangedi ya mmušo wa magodimong, a fodiša malwetši ka moka le mefokolo ka moka mo bathong. 24 Mme tumo ya gagwe ya enela naga ya Siria ka moka, batho ba tliša bohole ba ba babjago ke malwetši a mehutahuta, le ba ba swerwego ke mahloko le ba meoya e mebe, le magafa a ngwedi, le ba ba rephilego ditho; ba ba tliša go Yena, mme a ba fodiša.**

**Mateo 8:16,17 Ya re e šetše e le mantšibua, ba tliša ba bantši ba ba nago le meoya e mebe; mme Jesu a leleka meoya yeo e mebe ka go bolela le yona, a fodiša bohole ba ba babjago. 17 Ya ba gona go phethega se se boletšwego ke moporofeta Jesaya ge a itše: Ke yena a rwelego malwetši a ren, a ipeleša mahloko a ren.**

**Mateo 9:35 Gomme Jesu a hlomaganya metse ka moka le metsana, a fela a ruta diphuthegong tša gona, a goelela Ebangedi ya mmušo wa magodimo, a fodiša malwetši ka moka le mefokolo ka moka mo bathong.**

**Mateo 10:1 Ya re ge a biditše barutiwa ba gagwe ba lesome le metšo e mebedi, a ba fa matla a go leleka meoya ya ditšila, le a go fodiša malwetši ka moka le mefokolo ka moka. (Mareka 3:14,15)**

**Mateo 10:8 Fodišang balwetši; tsošang bahu; thakgafatšang ba lephera; lelekang meoya e mebe. Le filwe fela; le lena fang fela.**

**Mateo 11:5 Difofu di a bona; dihlotsa di a sepela; ba lephera ba a fodišwa; difoa di a kwa; bahu ba a tsoga; mme bahumanegi ba begelwa taba tše botse.**

**Mateo 12:15 Jesu, ka go ba lemoga, a tloga felo fao, a latelwa ke mašaba a mantši a batho; a fodiša bohole.**

**Mateo 15:30 Mašaba a mantši a batho a tla go yena; ba tla ba na le dihlotsa, le difofu, le dimuma, le digole, le ba bangwe ba bantši; ba ba bea fase maotong a gagwe, yena a ba fodiša.**

**Mateo 17:20 Jesu a re: Le šitišitšwe ke go hlaela tumelo; gobane ke le botša therešo ge ke re: Ge le ka ba le tumelo e kakago thorwane ya lehloko, le ka bolela le thaba ye la re: Tloga mo, o ye kua; ya tlo tloga ya ya. Go ka se ke gwa ba le se se le palelago.**

**Mareka 1:34 Jesu a fodiša ba bantši ba ba babjago ka malwetši a mehutahuta, a leleka meoya e mebe e mentši, a se dumele ge meoya e mebe e bolela e re e a mo tseba.**

**Mareka 3:10 Ka gobane o be a fodiša ba bantši ba ba bego ba tlaišega, ba ba ba mo wela godimo gore ba mo kgwathe.**

**Mareka 6:5,6 Gomme felo fao ga a ka a kgona go dira mohlolo, ge e se go fodiša balwetši ba sego nene ka go ba bea diatla. 6 A kgotsa go se dumele ga bona. A dikologa ka dinakaneng tša gona, a fela a ruta.**

**Mareka 6:13 Ba leleka meoya e mebe e mentši, ba tlodiša balwetši ba bantši makhura, ba ba fodiša.**

**Mareka 6:55,56 Ba kitima ba ya mathokong ka moka a naga yeo, ba yo rwala balwetši ka maako, ba ba iša mo ba kwago gore o ile gona. 56 Mo gohle mo a tsenago, metsaneng le merakeng, mo go fela ba bea balwetši**

**dikgorong, ba ba kgopelela gore ba kgwathe morumo wa kobo ya gagwe; mme bohole ba ba o kgwathilego ba fola.**

**Mareka 8:23-25** Yena a swara motho yoo wa sefolu ka seatla, a tšwa nae mo motseng, a mo tshwela mahlong, a mmea diatla, a mmotšiša a re: A o a bona? 24 Motho yoo a gadia a re: Ke bona batho, eke ke dihlare ba dikologa. 25 A buša a mmea diatla mahlong, a re a gadie. Motho yoo a foleta ruri, a bona tšohle gabotse.

**Mareka 9:29** Jesu a re: Mohuta woo o ka se ke wa tšwa ge e se ka thapelo le ka go ikona.

**Mareka 16:17,18** Mehloolo ye e tlo go felegetša ba ba dumetšego še: Ba tlo leleka meoya e mebe ka leina laka; ba tlo bolela ka maleme a mafsa; 18 Ba tlo swara dinoga ka diatla; le ge ba nwele se se bolayago, se ka se ke sa ba dira selo; ba tlo bea balwetši diatla, ba fola.

**Luka 4:18** Moya wa Morena o na le nna, ka gobane o mpeetše go begela babotlana taba tše dibotse, o nthomile go alafa ba dipelo tše robegilego,

**Luka 4:40** Ya re letšatši ge le dikela, gwa tla bohole ba ba nago le balwetši ba bona ba mahloko a mehutahuta, ba ba tliša go Jesu; Yena a ba bea diatla e mongwe le e mongwe, a ba fodiša.

**Luka 5:15** Gomme kgowane ya ge ba mmolela ya enela e eya, gwa kgobokana mašaba a mantši a ba ba ratago go mo kwa le go fodišwa malwetši a bona.

**Luka 5:17-25** Ka letšatši le lengwe ge a ruta, gwa tla bafarisei le baruti ba Molao ba dula; e be e le ba ba tšwago metseng ka moka ya Galilea le ya Juda le Jerusamela; mme matla a Modimo a go fodiša a be a le go yena. 18 Ba bona go etla banna ba rwele motho ka malao; e be e le e a repophilego ditho; ba nyaka botseno bja gore ba mo tliše ngwakong ba mmee pele ga Jesu. 19 Ba bo hloka ka go tlala ga batho ba namela godimo ga ngwako, ba rutlolla, ba fološa motho eo a le malaong, a fihla mo gare ga bona pele ga Jesu. 20 Jesu ge a bona tumelo ya bona, a re: o lebaletšwe dibe tša gago. 21 Ge a realo, bafarisei mo dipelong tša bona ba re: Motho yo ke mang? O goboša Modimo. Ke mang a kago lebalela motho dibe, ge e se Modimo? 22 Jesu ge a bona dikgopololo tša bona, a ba botšiša a re: Le eleletšang dipelong tša lena? 23 Se se bolelo ke sefe? A ke ge motho a re: O lebaletšwe dibe tša gago? Goba ke ge a ka re: Tsoga o sepele? 24 Fela, le tlo tseba ge Morwamotho a na le matla a go lebalela batho dibe mo lefaseng. Ya ba gona a bolelago le eo a repophilego ditho, a re: Tsoga! Rwala malao a gago, o ye ngwakong wa gago. 25 Monna eo a tsoga ka pela, a rwala tše a bego a letše godimo ga tšona, a

**ya ngwakong wa gagwe a tumiša Modimo.**

**Luka 6:17-19 Ge a fologa moo thabeng a na le bona, a ema mo go bego go le molala, a na le lešaba la barutiwa ba gagwe le bontši bjo bogolo bja batho ba ba tšwilego nageng ka moka ya Juda le Jerusalema, le mešikong ya lewatle ya kua Tiro le Sidone. 18 E be e le ba ba tlilego go mo kwa, le go fodišwa malwetši a bona. Gwa fodišwa le ba ba lapisitšwego ke meoya ya ditšhila. 19 Lešaba la kganyoga go mo kgwatha, ka gobane mo go Yena go be go etšwa matla a go fodiša bohle.**

**Luka 7:21,22 Ka Iona lebaka leo Jesu o be a fodiša ba bantši ba malwetši le mahloko, le ba meoya e mebe, le ba bantši ba difofu a ba gaugela, ba buša ba bona. 22 A fetola a re: Sepelang le yo botša Johane tše le di bonego le tše le di kwilego, le re: Difofu di a bona, digole di a sepela, ba lephera ba a fola, difoa di a kwa, bahu ba a tsoga; mme bahumanegi ba begelwa taba tše monate.**

**Luka 8:2 Go be go na le basadi ba bangwe, ba ba bego ba fodišitšwe ba na le meoya e mebe le malwetši; e be e le Maria Magdalena, yo a kilego a ntšhwa meoya e mebe e šupilego,**

**Luka 9:2 A ba roma a re ba yo goeleta tša mmušo wa Modimo, ba yo fodiša balwetši.**

**Luka 9:11 Mašaba a batho, ge ba lemogile fao, ba mo latela. Yena a ba gahlanetša, a ba botša tša mmušo wa Modimo, a fodiša ba ba tletšego go fodišwa.**

**Luka 13:12 Jesu ge a mmona, a mmitša a tla; a bolela le yena a re: Mosadi, o hunolotšwe bolwetšing bjoo bja gago.**

**Luka 13:32 Jesu a re: Sepelang le yo botša phukubye yeo, le re: Tseba gore ke leleka meoya e mebe, ke fodiša batho lehono le bosasa; ka moso ke yo feleletša.**

**Johane 5:8,14 Jesu a re: Tsoga! O tšeet malao a gago o sepele. 14 Ge go fetile lebakanyana, Jesu a mo hwetša Ntlongkgethwa; a bolela a re: O ko bone! O fodišitšwe. O se ke wa hlwa o dira dibe, o se tlo welwa ke tše di fetago tšela.**

**Johane 14:12 Ruri, ruri, ke a le botša, e a ntumelago, o tlo dira mediro ye ke e dirago, o tlo dira le e fetišago yeo, gobane nna ke ya go Tate.**

**Ditiro tša BaApostola 3:6 Petro a re: Silifera le gauta ga ke na natšo. Se ke nago le sona ke a go nea: Ka leina la Jesu Kriste wa Natsaretha tsoga o sepele!**

**Ditiro tša BaApostola 5:15,16 Ba ba ba rwala balwetši ka malao, ba ba bea mekgotheng, gore e tle e re ge Petro a feta, moriti wa gagwe o apeše e**

**mongwe wa bona. 16 Le ba metse ya mathoko ba kgobokana  
Jerusalema e le ba bantši, ba tliša balwetši ba bona le ba go tlaišwa ke  
meoya ya ditšila, mme ba fodišwa bohle.**

**Ditiro tša BaApostola 10:38 Ke taba ya Jesu wa Natsaretha, yo Modimo a  
mo tloditšego ka Moyamokgethwa le ka maatla, a tšama a šetša batho, a  
fodišwa bohle ba go katakelwa ke Diabolo gobane Modimo o be a na le  
yena.**

**Ditiro tša BaApostola 19:11,12 Modimo a dira ditiro tše maatla tše di  
tlabago ka diatla tša Paulo. 12 Ba ba ba tše mašelana a gagwe a go  
phomola dikudumela, le a bego a a apere, ba apeša balwetši ka ona, ba  
napa ba tlogwa ke malwetši, le meoya e mebe ya tšwa.**

**BaRoma 8:26 Ge go le bjalo, le wona Moya o re hlatlola phokolo; gobane  
rena ga re tsebe se re kago se kgopela; le mokgwa wa go kgopela ga re  
o tsebe. Ke wona Moya o re rapedišago ka diphegelo tše di šitago  
molomo.**

**1 BaKorinthe 12:9 E mongwe gape o fiwa tumelo a na le Moya woo; e  
mongwe o fiwa dineo tša go fodiša ka wona Moya woo.**

**1 BaKorinthe 12:28 Ba bangwe Modimo o ba beile phuthegong; a thoma ka  
go bea baapostola, ba bobedi ya ba baporofeta, ba boraro ya ba baruti; a  
iša pele go bea ba ditiro tše maatla, a bea ba dineo tša go fodiša, le  
bababaledi, le balaodi, le ba polelo tša mehutahuta.**

**BaFilipi 2:27 Ka kgonthe o be a babja, a le kgauswi le go hwa: Modimo a mo  
gaugela; ya ba go gaugela nna, gore manyami a ka a se tlo tlala ka a  
mangwe gape.**

**Jakobo 5:14 Ge e mongwe wa lena a babja, a bitše bagolo ba phuthego, ba  
tle ba mo rapelele ba mo tlodiše makhura leineng la Morena.**

**1 Petro 2:24 A ipeleša dibe tša rena, a di nametša kwateng ka mmele wa  
gagwe, gore re tlogelane le tšona, re phelele go loka. Ke yena yo re  
fodilego ka dintho tša gagwe.**

**3 Johane 1:2 Morategi! Ke go belaelela go letlegelwa ke tšohle le go phela  
o thabile, bjalo ka ge o letlegetšwe ke tša moya.**